

正紅蒙古

正紅蒙古勳臣傳 卷十六



八旗通志初集卷之二百十六

勲臣傳十六

正紅旗蒙古世職官

龔額

吳爾哲圖  
來渾  
代顧

薩拜

子滾木布蕭

達賴

阿邦

叔之子武喇岱

雅玳

子和瑞

昂阿

孫阿爾納

色爾古倫

穆賽

岳師保

班第

海色

塞冷

圖虎齊  
布雅錫

沙濟

彰僖



色楞

色雷

巴特瑪

孫達禮

阿爾善 希第

巴圖蒙庫

明安達禮

博爾波孫

見忠烈海 色傳

馬尼

見忠烈甘濟泰傳 下同

宜思哈布

巴雅思呼朗

見忠烈拜渾岱傳 下同

博倫特

巴馬塔爾

見忠烈李喇 泰傳

喀穆布

見忠烈阿理 莫傳 下同

格勒爾圖

鑲白旗蒙古世職官

賈慕蘇巴圖魯

諾門弟之子達雅布

鄂思祐塔布囊

子齊 桑

噶爾圖

子阿玉璽

託克託慧

滿韜

綽克圖

巴雅爾

族子三雅圖

張努

滿都祜

阿齊圖

劉麟圖

諾穆渾

溫都爾祜

赫爾博允

敦柱

卓禮

博託和

子吉穆德

孟古珥

費揚古

託克託和

噶爾圖

沙禮

塞爾古楞 鄂爾和岱 索嫩

塞格喇布克

沙爾湯 見忠烈沙門傳

塞楞多爾濟 見忠烈阿畢達傳

鑲紅旗蒙古世職官

喀喇爾岱

花色

哲僧

額爾濟圖巴圖魯 子噶布喇

納爾泰

多羅伊

充吉爾 弟多爾濟

鄂爾錦巴圖魯

羅邦多爾濟

色納克 弟拉薩希

生格

單巴 子查穆素

褚布顧爾

鰲巴

瓦爾大

岳孫岱 巴勒遜

鄂色

蘇玉克圖

殷札納 顧英和善

海色 子拉錫希

阿集思 巴郎吳爾占

龔額蒙古正紅旗人。其祖古魯達蘇爾海係蒙古察哈爾林丹汗之嘉叟兒寨桑。林丹汗敗逃達蘇爾海率所部一百二十戶。同德參濟旺來歸。崇德元年授一等甲喇章京。世職。旋卒。以龔額伯父阿慕護朗襲職。順治七年九年三遇恩詔加至二等阿思哈尼哈番。阿慕護朗卒。以其子阿齊圖襲。阿齊圖卒。龔額始襲祖職。康熙二十九年從撫遠大將軍伯費揚古由西路征厄魯特噶爾丹。奮勇前進。敗賊有功。三十六年議叙。給

一拖沙喇哈番。合原襲之職。加爲一等阿思哈尼哈番。

吳爾哲圖。蒙古正紅旗人。姓卓可氏。世居科齊特地方。崇德三年。從貝勒杜度。征明。至山東。用雲梯攻昌邑城。奮勇先登。克之。四年。叙功。授半個前程。世職。同旗有來。渾岱者。順治元年。以甲喇章京。從睿王多爾袞。入山海關。擊流寇。有功。二年。議叙。授半個前程。世職。七年。遇

恩詔。加世職。爲拜他喇布勒哈番。又有委署章京。顧什

者。亦於是役在事。有功。授半個前程。世職。

薩拜。蒙古正紅旗人。姓哈勒起。塔特氏。世居瓦

爾計葉赫地方。初任牛录章京。崇德六年。隨鄭

親王濟爾哈朗。征明。圍錦州。敵兵來犯。同梅勒

章京安達。禮敗之。敵兵據松山之巔。拒敵。復擊

敗之。順治元年。從睿王多爾袞。入山海關。擊流

賊有功。二年。授牛录章京。世職。七年。九年。三遇

恩詔。加至二等阿達哈哈番。卒。子滾木布蕭襲職。康熙

二十九年。滾木布蕭從撫遠大將軍伯費揚古

征厄魯特噶爾丹由西路奮勇前進。敗賊有功。三十六年議叙。加一拖沙喇哈番。爲一等阿達哈哈番。

達賴蒙古正紅旗人。初以白身於崇德八年。隨貝勒阿巴泰征明。至山東。以雲梯攻新州。首先登城克之。

賜號巴圖魯。授拜他喇布勒哈番。病卒。子阿南襲。康熙十四年。從征逆藩耿精忠。五月。隨都統喇哈達擊賊於石塘。奮勇力戰。遂歿于陣。仍加一拖沙

喇哈番。

阿那蒙古正紅旗人。姓博和羅特氏。順治元年。以牛录章京從睿王多爾袞。入山海關。擊流寇。追至慶都縣。大破之。二年。隨英親王阿濟格。征。敗賊至陝西延安府。屢敗賊衆有功。三年。授牛录章京。世職。七年。九年。三遇。

恩詔。加至二等阿達哈哈番。尋卒。以叔父之子武喇岱襲。康熙十三年。武喇岱隨前鋒統領穆占。征逆藩吳三桂。敗僞帥石存禮兵於朝天關。十四年。

從鎮西將軍席卜臣擊僞將軍王屏藩等賊兵於水路截戰武喇岱力戰陣亡十六年議卹加贈爲一等阿達哈哈番

雅琿蒙古正紅旗人順治元年以閒散章京從睿王多爾袞入山海關同葉克書等屢敗賊衆有功三年授半個前程世職七年九年三遇

恩詔加

至三等阿達哈哈番尋卒以子和瑞襲職康熙

十三年和瑞從征逆藩吳三桂至陝西同副將張登科敗僞將軍吳之茂彭時亨等於廣元縣

僞將軍王屏藩譚弘等引賊自漢中渡江來犯復擊敗之又擊僞將軍劉慶成僞陳總兵俱破其衆十七年從征南將軍穆占至湖廣擊僞將軍杜輝等於洞庭湖之柳林嘴連敗之十八年進取湘陰縣於九馬嘴地方力戰陣亡二十五年議卹加贈世職爲二等阿達哈哈番昂阿蒙古正紅旗人由空銜佐領

國初定鼎燕京隨睿王多爾袞進山海關日擊敗流賊馬步兵二十萬衆昂阿以功授拖沙喇哈



番順治三年卒。子達錫襲父職。三遇

恩詔。加至三等阿達哈哈番。病卒。子阿爾納襲。康熙十

八年十二月。出征逆藩吳三桂。至廣東韶州府。

遇僞將軍馬寶等。率賊萬餘。分爲五隊來拒。阿

爾納率本甲喇兵擊敗之。復遇僞將軍武世宗

等。領馬步六千餘賊拒戰。又擊敗之。僞將軍范

齊韓等率二萬餘賊。在陶屯地方。設鹿角列象

籐牌以進。並擊敗其軍。進征雲南。僞將軍何繼

祖等迎戰黃草壩。既爲所敗。而僞將軍胡國柄

等。復率萬餘賊出雲南城以拒。連擊敗之。叙功

加授二等阿達哈哈番。

色爾古倫蒙古正紅旗人。父莊托賴在

世祖章皇帝時。任兵部理事官。順治四年。以五載考察

辦事有能。授半個前程。世職七年九年。三遇

恩詔。加至三等阿達哈哈番。卒。色爾古倫始襲父三等

阿達哈哈番。順治十一年。從定遠大將軍世子

濟度。征福建海賊鄭成功。破其舟師六百餘隻。

於澄浦。舉地方。康熙十六年。從征南將軍穆占。

由陝西至湖廣征逆藩吳三桂。敗賊將王國佐兵萬人。十七年。從揚威大將軍簡親王喇布。敗吳逆僞將軍胡國柱等。於永興縣。二十年。隨征南大將軍賴塔。由廣西進雲南。平逆孽吳世璠。在事有功。二十五年。議叙。加一拖沙喇哈番。合原襲世職。爲二等阿達哈哈番。同旗有佐領穆賽者。亦於是役。在事有功。授拖沙喇哈番。

岳師保。蒙古正紅旗人。姓博爾吉孫氏。世居卓魯克地方。其叔祖色本。由口外來歸。順治四年。

特恩賜給拜他喇布勒哈番世職。七年遇

恩詔。加一拖沙喇哈番。是年卒。以色本弟布雅慕襲職。

九年遇二次

恩詔。加至二等阿達哈哈番。康熙十四年。布雅慕卒。以

其兄之孫黑子襲職。康熙十九年。黑子從征南大將軍賴塔。征逆孽吳世璠。二十年正月。攻石門坎。力戰陣亡。以色本伯父之孫陳生襲職。陳生。岳師保之父也。陳生襲職。逾年卒。岳師保始襲世職。康熙三十五年。從撫遠大將軍伯費揚

古。征厄魯特噶爾丹。由西路奮勇前進。敗賊有功。三十六年。加一拖沙喇哈番。併原襲世職。爲一等阿達哈哈番。

班第。蒙古正紅旗人。姓吳朗。甘氏。世居楊什木地方。初任牛录章京。順治九年遇

恩詔。授拜他喇布勒哈番世職。十年。從靖南將軍朱瑪喇。征廣東。擊僞安西王李定國兵於新會縣。連敗之。追至橫州江邊。定國引兵萬餘逆戰。復大敗之。十三年。論功。加一拖沙喇哈番。同旗有海

色者。順治十一年。以委署章京。隨寧海大將軍宜爾德。征浙江舟山。擊僞英毅伯阮思。僞控制陳六御等。在事有功。授拖沙喇哈番。

塞冷。蒙古正紅旗人。姓巴林氏。世居科爾沁地方。順治十五年。以牛录章京。隨梅勒章京噶褚哈。征僞桂王。至貴州。十六年。凱旋至江南。遇海賊鄭成功。引舟師來犯江寧。隨噶褚哈會同本地官兵破賊。順治十七年。論功。授拜他喇布勒哈番。同旗有圖虎齊者。康熙十四年。以護軍校。

從定遠平寇大將軍安親王岳樂征逆藩耿精忠至江西有賊首邵連登等領衆萬餘逆戰率本甲喇兵連擊敗之又敗賊衆於景德鎮沉香山來龍山等處俱在事有功授拖沙喇哈番又有委署章京布雅錫者亦於是役在事有功授拖沙喇哈番

沙濟蒙古正紅旗人康熙十三年以七品官從前鋒統領穆占征逆藩吳三桂由陝西進四川破僞總兵石存禮於朝天關十四年從鎮西將

軍席卜臣擊叛鎮王輔臣之子王屏藩及僞將軍吳之茂等於蟠龍山娘娘廟張飛廟槐樹驛等處敗賊五次並在事有功十六年議叙授拜他喇布勒哈番世職同旗有驍騎校彰僖者亦於是役在事有功授拜他喇布勒哈番世職色楞蒙古正紅旗人姓薩魯特氏世居巴林地。方康熙十七年以委署叅領隨征海寇至福建十八年正月隨平南將軍賴塔敗僞將軍劉國軒兵於郭塘盤圍山太平寨等處二十年從征

南大將軍賴塔征逆孽吳世璠敗賊於黃草壩師抵雲南會同三路大兵平定逆孽在事有功二十五年議叙授拜他喇布勒哈番同旗有驍騎校色雷者亦於是役在事有功授拖沙喇哈番。

巴特瑪蒙古正紅旗人康熙二十年以護軍校從征南大將軍賴塔征逆孽吳世璠由廣西進雲南破偽將軍何繼祖等於石門坎復安籠所復敗於黃草壩擒賊一人師抵雲南隨三路大

兵平定逆孽又從都統希福提督桑額等剿偽師馬寶巴養元等於烏木山大破之尋卒於軍二十五年論功贈拜他喇布勒哈番

孫達禮蒙古正紅旗人康熙十四年以委署叅領隨信郡王鄂扎討叛逆察哈爾布爾尼於大魯地方屢敗賊衆十五年隨征逆藩吳三桂至江西敗偽總兵唐配勝等於老庄地方尋卒於軍二十五年叙功贈拖沙喇哈番同旗有阿爾善者康熙五十九年以三等護衛委署護軍叅

領從定西將軍噶爾弼平定西藏。叙功授拖沙喇哈番。又有委署火器營章京希第者亦於是役在事有功。授拖沙喇哈番。

巴圖蒙庫蒙古正紅旗人。康熙三十五年以佐領從撫遠大將軍伯費揚古征厄魯特噶爾丹。由西路奮勇前進。敗賊有功。三十六年議叙。授拖沙喇哈番。同旗有員外郎明安達禮者亦於是役在事有功。授拖沙喇哈番。

右俱正紅旗蒙古世職官

賈慕蘇巴圖魯蒙古鑲白旗人。姓奇爾果特氏。世居察哈爾地方。

國初來歸。授爲旗長。天聰九年四月。同喀爾喀瑪錫翰沿海邊緝訪。獲漢人捕魚船二隻。殺一人。生擒二十人。崇德八年。隨奉命大將軍貝勒阿巴泰征明。至山東。以雲梯攻濱州。奮勇先登。克其城。授牛录章京世職。

賜號巴圖魯。順治七年遇

恩詔。加授世職。爲拜他喇布勒哈番。兼一拖沙喇哈番。

諾門。蒙古鑲白旗人。姓德特齊特氏。世居英郭和洛地方。天聰八年五月。以辦事有能。不違指使。授牛录章京。世職。順治七年。遇

恩詔。由拜他喇布勒哈番。加一拖沙喇哈番。世襲罔替。卒。以弟之子達雅布襲職。九年。遇二次

恩詔。加至二等阿達哈哈番。十一年。達雅布隨靖南將軍朱瑪喇。征廣東。同阿齊圖擊偽安西王李定國。步兵兩戰俱敗之。叙功。加世職。一等阿達哈哈番。

鄂思枯塔布囊。蒙古鑲白旗人。姓吳里楊嘎氏。世居喀爾沁地方。初自喀爾沁來歸。任牛录章京。尋以征松山等處軍功。授半個前程。世職。卒。長子諾穆齊襲。拖沙喇哈番。次子齋桑襲。牛录章京。順治十七年。隨定西將軍公愛星阿。至緬甸阿娃城。獲偽桂王。在事有功。康熙十六年。從征逆藩吳三桂。攻長沙。力戰陣亡。贈拖沙喇哈番。

噶爾圖。蒙古鑲白旗人。姓吳喇哈濟爾默氏。世

居遼河初管牛录章京事。崇德六年。圍明錦州。城內兵來犯。隨梅勒章京超哈爾。敗之。明松山兵夜犯。鑲黃旗壕塹。同特珍擊却之。順治元年。從睿王多爾袞。進山海關。擊流賊。隨固山額真吳賴。步戰有功。二年。授半個前程。七年。遇

恩詔。加授爲拜他喇布勒哈番。世襲罔替。八年卒。子阿

玉璽承襲。九年。遇二次

恩詔。加至三等阿達哈番。十一月。阿玉璽隨寧海大

將軍固山額真宜爾德。征浙江舟山。擊敗僞英

毅伯阮思。又敗僞總制陳六御等。擒斬僞總兵

張晉爵。獲銀印一顆。十四年。叙功。加二等阿達

哈哈番。康熙十三年。從征逆藩耿精忠。至江西

圍撫州府。敗城內出拒賊兵。十四年三月。敗僞

都督楊益茂兵於七里岡。十五年。從擊僞將軍

馬寶於陳岡山。戰歿於陣。二十五年。贈一等阿

達哈哈番。世襲罔替。

託克託。慧蒙古鑲白旗人。姓譚。開氏。世居察哈

爾地方。初管擺牙喇章京事。崇德六年。大兵征



明隨兩翼合兵擊松山。敗敵一次。掘壕圍之。敵兵夜犯。鑲黃旗汎地。同蘇爾德擊却之。八年。隨奉命大將軍貝勒阿巴泰。征明山東。凱還出關。時同偏俄擊敗明吳總兵。順治元年。隨定國大將軍豫親王多鐸。破潼關。敗流賊。賊遁往西安。府。隨燾章京阿爾津。敦拜跡之。遇賊騎兵三百餘。盡殲之。二年。隨固山額真宗室韓岱。往攻嘉興府。敗城內迎戰步兵。又擊敗嘉興府城外駐立步兵。敵兵在河岸駐扎。又同布爾理敗之。遂進圍嘉興府城。有偽王總兵郭總兵率衆來援。俱同納爾德擊敗之。三年。叙功。授半個前程。七年九年。三遇。

恩詔加至拜他喇布勒哈番。兼一拖沙喇哈番。

滿韜蒙古鑲白旗人。原係多羅特貝子。投入明朝。駐防錦州。至崇德五年。睿親王多爾袞統兵圍錦州時。滿韜同吳巴什諾木齊等率衆蒙古來歸。七年。授三等甲喇章京世職。順治七年九年。三遇。

恩詔加至一等阿達哈哈番兼一拖沙喇哈番十一年  
隨靖南將軍朱瑪喇征廣東擊偽安西王李定  
國於新會縣十三年議叙加世職爲三等阿思  
哈尼哈番同旗有綽克圖者姓博爾袞氏初亦  
爲多羅特地方貝子投入明朝駐防錦州至大  
兵圍明錦州時綽克圖同滿韜等率衆蒙古投  
降授三等甲喇章京世職順治七年九年三遇  
恩詔加至一等阿達哈哈番兼一拖沙喇哈番十一年  
從征廣東與偽安西王李定國戰於新會縣連

敗之尋叙功加世職爲三等阿思哈尼哈番  
巴雅爾蒙古鑲白旗人姓哈爾濟諾特氏世居  
薩喇穆魯地方崇德八年隨奉命大將軍貝勒  
阿巴泰征明攻利津縣繼吳格塞第二登城克  
之是年授半個前程順治元年隨睿王多爾袞  
進山海關擊敗流賊追至慶都縣以功加世職  
爲牛录章京四年卒以叔父之子塔喇圖襲職  
七年遇

恩詔由拜他喇布勒哈番加一拖沙喇哈番世襲罔替

康熙十八年卒。以塔喇圖兄之子三雅圖襲職。先是三雅圖任八品官。康熙十三年。以吳三桂耿精忠二逆藩叛亂。從定西將軍希爾根往征。至江西。擊偽總兵唐紀勝等。於老庄。敗之。又敗賊首周官卜。在功等。於曹家嘴馬鞍山。至沈公橋。敗偽中軍金思才。郭洪等。十四年七月。敗賊首顏君寵。蕭成等。於浮梁縣。又敗偽副將張奉桃。胡遇春等。於石機都。並在行間。十七年。隨護軍統領哈克山。擊偽將軍韓大任。陳堯元。李茂

珠。於老虎洞河園口。屢敗之。十八年。襲叔父塔喇圖。拜他喇布勒哈番。兼一拖沙喇哈番。世職。十九年六月。隨鎮南將軍莽依圖。征吳逆。至廣西。擊敗偽將軍范齊韓。詹仰等。於柳州之陶屯。二十年二月。隨征南大將軍賴塔。擊敗吳逆。偽將軍何繼祖等。於石門坎。又敗之。於黃草壩。直至雲南城。俱在事有功。二十五年。議叙。授拜他喇布勒哈番。世職。併原襲世職。加爲二等阿達哈哈番。其原襲之拜他喇布勒哈番。兼一拖沙

喇哈番仍世襲罔替。本身所得之拜他喇布勒哈番。准再襲二次。張努蒙古鑲白旗人。姓吳朗喀氏。世居鄂穆魯特地方。初管牛录章京事。崇德八年。隨奉命大將軍貝勒阿巴泰。征明。攻取邊城。本牛录兵丁諾穆圖。首登。遂破之。遇趙軍門兵。隨梅勒章京譚拜。擊敗其衆。至渾河岸。遇明步兵來拒。敗之。又隨譚拜。擊敗密雲八總兵軍。順治元年。隨睿王多爾袞。進山海關。同葉克舒。擊敗流賊。追至

慶都。以功授牛录章京。世職。十一月。從定國大將軍豫親王多鐸。南征。進潼關。破流賊。隨固山額真恩格圖。殿後。流賊馬步兵兩次來犯。俱敗之。賊遁往西安府。張努隨燾章京阿爾津等。往覓賊踪。遇流賊馬兵三百。盡殲之。二年。進至江南。賊黃蜚。王期勝。來攻常州。率本固山兵擊却之。又隨圖賴等。擊敗賊首毛大虞。隨固山額真馬喇希。往宜興縣。至外橋。敗偽許總兵步兵四萬。進攻崑山縣。同格把庫。步戰。敗其衆。三年。隨

揚威大將軍豫親王多鐸追滕機思擊敗土謝圖汗碩羅汗兵四年叙功由牛录章京世職加半個前程七年九年三遇

恩詔加至一等阿達哈哈番

滿都祜蒙古鑲白旗人姓烏霖氏世居科爾沁初任牛录章京從征黑龍江獲丁壯二十人順治元年隨定國大將軍豫親王多鐸南征至潼關連破流賊第一營第二營遇偽王總兵於平和縣同西蘭索木弼擊敗之二年隨貝勒博洛

往征杭州松江府兵拒戰奮擊敗之以功授半個前程四年以任郎中考績又加一拖沙喇哈番授馬拜他喇布勒哈番七年九年三遇

恩詔加至二等阿達哈哈番

阿齊圖蒙古鑲白旗人姓吳納穆爾氏世居薩喇穆魯初任牛录章京順治元年四月隨睿王多爾袞進山海關破流賊又追至慶都縣六月隨固山額真覺羅巴哈納石廷桂往定山西攻太原府環視攻城之處忽城內步兵出犯隨官

兵擊敗之。二年至榆林。隨昂邦章京西忒庫敗賊渡口守兵。又隨燾章京蘇拜擊敗流賊。追至湖廣承天府。獲船二十隻。三年從征四川。賊將高汝礪率兵駐立山巔。隨蘇拜擊敗之。又擊敗八大王張獻忠兵。正藍旗固山兵爲賊兵所迫。隨燾章京阿爾津蘇拜噶達洪往援。擊敗其衆。又擊敗僞鍾總兵。五年叙功。授拖沙喇哈番。六年從征叛鎮姜瓖。圍大同府。隨固山額真明安達理兩敗賊兵。七年九年三遇。

恩詔加世職至三等阿達哈哈番。世襲罔替。十一年隨

靖南將軍朱瑪喇征廣東。敗僞安西王李定國兵於新會。追之。有僞都督吳三省楊誠王三才率兵來拒。隨梅勒章京畢力克圖擊敗其衆。十三年叙功。加二等阿達哈哈番。

劉麟圖。蒙古鑲白旗人。初任明朝山海關副將。順治元年。睿王多爾袞統兵入山海關。劉麟圖率衆開關迎降。即從官兵擊流賊。追殺至慶都縣。尋授爲義州副將。攻破石城古塞。生擒蒼梅。

等賊首三名。盡殲餘寇。以功授三等阿思哈尼哈番。

諾穆渾蒙古鑲白旗人。初任牛录章京。順治元年。隨睿王多爾袞入山海關。擊破流賊。又追至慶都縣。六月。隨固山額真覺羅巴哈納等平定山西。攻太原府。連破其軍。十一月。隨定國大將軍豫親王多鐸南征。至潼關。擊敗流賊第一營。第二營兵。又同布達什禮額參往偵賊踪。迹遇賊兵來戰。復擊敗之。三年。叙功授牛录章京。世

職。

溫都爾祜蒙古鑲白旗人。初任牛录章京。順治元年。隨睿王多爾袞入山海關。同甲喇章京綽貝。擊敗流賊。追至慶都縣。隨固山額真富喇克塔。敗之。以功授半個前程。世職。七年。九年。三遇恩詔。加至三等阿達哈哈番。同旗有赫爾博克者。初為空銜章京。亦以從睿王多爾袞入山海關。擊敗流賊有功。授半個前程。世職。敦柱蒙古鑲白旗人。順治十五年。以護軍校從。

征雲貴。擊僞侯李成蛟等。於涼水井。又擊僞安西王李定國等。於魯噶地方。俱在事有功。康熙十八年。從平南將軍賴塔。征海寇。破僞將軍劉國軒等。於福建長泰縣夏坑。歐溪。及郭塘盤圍山等處。又敗賊於太平寨。二十年。進征雲南逆孽吳世璠。隨征南大將軍賴塔。奪石門坎。黃草壩。破雲南城。又隨都統希佛。追吳逆僞將軍馬寶。巴養元等。於烏木山。俱有功。尋以疾卒。二十五年。議叙。贈拜他喇布勒哈番。准襲三次。

卓禮。蒙古鑲白旗人。康熙十三年。以護軍校。從征逆藩吳三桂。至湖廣。十五年。僞將軍李之鳳等。率船數百。陣於南潯江。卓禮隨護軍統領額司泰等。進擊賊衆。大敗。又敗僞總兵蕭復成等。賊船百餘。於君山。至涼路舖。敗僞副將俞成民。王臣等。十七年。隨征南將軍穆占。擊僞將軍馬寶。胡國柱等。於永興河南岸。又擊僞范將軍兵於折李橋。俱敗之。十九年。隨鎮南將軍莽依圖。由廣西進兵。敗吳逆僞將軍范齊韓。詹仰等。於



陶屯二十年隨征南大將軍賴塔破黃草壩直  
至雲南城俱在事有功尋以疾卒二十五年叙  
功贈拖沙喇哈番准襲二次

博託和蒙古鑲白旗人姓博希特氏世居察哈  
爾地方初任護軍校康熙十三年七月從副都  
統鄂申征逆藩耿精忠至浙江金華府擊偽都  
督閔標十一月隨副都統馬哈達擊偽總兵徐  
尚朝張袁兆沈思上等兵俱敗之十二月隨都  
統巴雅爾進擊偽總兵徐尚朝陳元等於積道

山兩敗其衆復敗賊於緡雲縣十四年四月敗  
賊偽騎都尉連登雲偽能總兵等於處州府對  
河陳灘頭地方五月復隨都統喇哈達敗連登  
雲兵於石塘又隨定南將軍賴塔敗偽將軍馬  
九玉兵於曹平關又敗偽將軍牛武維偽總兵  
林勝等於東石二十年正月隨征南大將軍征  
雲南吳逆奪石門坎黃草壩直至雲南城俱在  
行間有功二十二年議叙授拜他喇布勒哈番  
准再襲三次病卒次子諾爾扎穆素襲父世職

長子吉穆德。初任七品官。以從征雲南吳逆。擊偽將軍何繼祖等於石門坎。又擊之於黃草壩。進至雲南省城。俱在事有功。授拖沙喇哈番。孟古珥蒙古鑲白旗人。康熙十三年。以驍騎校從征逆藩耿精忠。至江西。有偽副將陳留音。朱二等率兵六千。於鄱陽湖汊口拒敵。隨官兵擊敗之。賊復率兵四千。在左鄱陽湖岸拒敵。又擊敗之。又敗偽姜總兵兵於弋陽縣。偽總兵柯勝等率兵五千拒敵。三戰皆破之。又擊敗偽總兵

郭先。張文舉等於涯山。進攻牛頭寨。被傷歿於軍。二十九年。贈拖沙喇哈番。准襲二次。同旗有費揚古者。初任防守尉。亦以從征江西有功。授拖沙喇哈番。

託克托和。蒙古鑲白旗人。康熙十四年。以委署叅領從征逆藩耿精忠。五月。隨都統喇哈達。敗賊鄭文鼎。徐元等於石塘。又敗偽總兵陳得功。偽副將徐鼎先等於石佛嶺。偽總兵劉秉仁等。率馬步兵萬餘。陣於半山嶺。以步戰敗之。又隨

官兵敗偽總督趙得勝偽將軍何佑等於太平山二十年從征雲南吳逆奪石門坎黃草壩俱在行間二十五年叙功授拜他喇布勒哈番准襲三次

噶爾圖蒙古鑲白旗人初任驍騎校康熙十五年從征逆藩吳三桂至江西擊偽將軍陳勝郭英廷等於龍泉縣敗之又擊偽總兵陳邦俊於石灰坳擊偽副將劉燦明於善都坳俱隨官兵破其衆又於西村盧園洞奮擊賊兵兩戰皆捷

二十年從征南大將軍賴塔由廣西進雲南取黃草壩抵雲南省城屢著戰功二十五年議叙授拖沙喇哈番

沙禮蒙古鑲白旗人初任拖沙喇哈番品級章京康熙十九年六月隨鎮南將軍莽依圖征吳逆至廣西敗偽將軍吳世琮等於新村之西山又敗偽將軍范齊韓詹仰等於柳州之陶屯二十年隨征南大將軍賴塔平定雲南奪石門坎黃草壩俱有功進抵雲南省城復敗偽將軍胡

國秉劉起隆等於城下以績授拜他喇布勒哈番。

塞爾古楞蒙古鑲白旗人。康熙二十年以護軍校從征雲南擊吳逆。隨征南大將軍賴塔奪石門坎黃草壩破雲南城。又隨都統希佛追吳逆。偽將軍馬寶巴養元等於烏木山並有功。尋以疾卒。二十五年叙功。贈拜他喇布勒哈番。同旗有驍騎校鄂爾和岱。姓鄂秦氏。世居葉赫地方。亦於康熙二十年隨征南大將軍賴塔平定吳

逆。至雲南擊賊於石門坎黃草壩。三戰三敗。之。尋以疾卒。事平叙功。贈拖沙喇哈番。准襲二次。索嫩。蒙古鑲白旗人。康熙二十年以驍騎校從征南大將軍賴塔。敗偽將軍何繼祖等於黃草壩。又敗偽將軍胡國秉等於雲南省城。三十五年從撫遠大將軍伯費揚古。征厄魯特噶爾丹。時噶爾丹率賊萬餘。於昭莫多地方拒戰。奮擊敗之。三十七年叙功。授拜他喇布勒哈番。准再襲二次。

塞格蒙古鑲白旗人。初任右衛佐領。康熙三十五年。從西安將軍博濟征厄魯特噶爾丹。由西路至昭莫多。隨撫遠大將軍伯費揚古。敗賊有功。授拖沙喇哈番。同旗有喇布克者。初任拖沙喇哈番。品級章京。亦以是役在事有功。授拖沙喇哈番。准再襲一次。

右俱鑲白旗蒙古世職官

喀喇爾岱。蒙古鑲紅旗人。姓鄂恩濟特氏。世居巴林地方。天聰八年。以辦事有能。不違指使。授

牛录章京。世職。順治元年。隨睿王多爾袞進山海關。擊流賊。復追至慶都縣。叙功。加世職半個。前程。七年。遇

恩詔。加爲三等阿達哈哈番。

花色。蒙古鑲紅旗人。姓喀弼齊克氏。世居喀喇沁地方。其伯祖吳巴立。燦錦原係喀喇沁布彥貝勒所屬之人。布彥貝勒欲來投誠。曾遣爲使。遂從征董夔。不違指使。率喀喇沁人至約會之地。尋引布彥貝勒子璧喇壘台吉。及部屬抒誠。

來歸。崇德元年。授牛录章京。世職。遣往明宣府北張家口。與明人議開市互易。有裨。

國計。四年。加世職爲三等甲喇章京。卒。以弟古穆承襲。遇。

恩詔。加爲二等阿達哈哈番。傳子碩色承襲。花色者。碩色子也。康熙十八年。襲父職。三十五年。隨撫遠大將軍伯費揚古。征厄魯特。噶爾丹。由西路進兵。擊賊有功。三十六年。加世職爲一等阿達哈哈番。

哲僧。蒙古鑲紅旗人。姓吳努護氏。原係察哈爾人。以其國亂來歸。

命隸饒餘。勒阿巴泰。授二等轄。崇德元年。隨大兵征

朝鮮。饒餘貝勒令乘擺牙喇船先渡。朝鮮兵乘大船用長鈎來挽我船。哲僧射殪持鈎兵二人。敵船奔。大兵遂渡海。至剛懷墩。進擊敗敵兵。擒朝鮮王妻子。六年。隨鄭親王濟爾哈朗。圍明錦州。固山額真葉克舒轄。率擺牙喇兵設伏。哲僧在行間。明兵出犯。葉克舒轄所乘馬中箭而仆。

步入敵陣衝殺。遇乘白馬敵人。揮刀連砍之。哲僧下馬射中敵人面。敵人伏馬而奔。葉克舒轄因得出敵陣。是役也。哲僧被創。所乘馬亦中傷。復援出。葉克舒轄饒餘貝勒嘉其功。以弓與衣服賞之。尋往塔山捉生。斬一人。生擒一人。正黃旗牛录章京鐘鄂代叛逃入錦州城。降於明。我兵挖壕樹柵以圍錦州。鐘鄂代領兵二百來犯我壕。哲僧越壕追擊。鐘鄂代所乘馬中前而逃。獲其弓。明松山兵來戰。饒餘貝勒率兵迎敵。哲

僧從貝勒前馳入敵陣。斬殺二人。有蒙古六人來衝我陣。哲僧射殪一人。餘五人接戰。盡斬之。所乘馬中箭死。

特賜馬一匹。順治元年。隨睿王多爾袞進山海關。擊流

賊射殪賊兵六人。二年。隨順承郡王勒克德渾征湖廣流賊。一隻虎射殪賊騎卒五人。斬賊步兵十餘人。十五年。從征偽桂王至雲南。隨肅章京博濟希里噶喇昂邦白爾黑圖擒其哨卒。夜半至南宗地方。遇敵兵奮擊敗之。復追至香水

河橋大破敵營。隨向沅江府進發。有敵兵三千餘衆。犯我壕塹。擊敗之。進攻沅江府城。哲僧殿後。敵兵出城來犯。連敗之。叙功。授拜他喇布勒哈番。

額爾濟圖。巴圖魯。蒙古鑲紅旗人。姓巴林氏。世居西拉木蘭地方。崇德三年。以壯尼大。隨睿親王多爾袞。征明。至山東。以雲梯攻海豐縣。奮勇先登。克之。四年。叙功。

賜巴圖魯號。授牛录章京世職。六年。隨鄭親王濟爾哈

朗。圍明錦州。奉遣往取蘇班。岱蒙古家屬。擊杏山馬兵。敗之。順治元年。隨睿王多爾袞。進山海關。擊流賊有功。加半個前程。七年。九年。三遇

恩詔。加至一等阿達哈哈番。子噶布喇。以順治十八年

襲父職。康熙十六年三月。從鎮南將軍莽依圖。征逆藩吳三桂。至韶州府城東山。擊賊帥馬寶。兵敗之。僞總兵姜熊。領七千餘賊。在樹梓墟地方拒敵。復隨莽依圖。擊敗其衆。進至廣西。敗僞將軍吳世琮於新村西山。十九年六月。隨都統



希福等敗偽將軍范齊韓。唐仰於柳州之陶屯。二十年正月。隨征南大將軍賴塔。進征雲南。奪黃草壩。戰雲南城下。及追賊將馬寶。巴養元。至烏木山。俱有功。尋病卒於軍。二十五年。叙功。加贈一拖沙喇哈番。

納爾泰。蒙古鑲紅旗人。姓巴林氏。世居哈達地方。崇德三年。以牛录章京隨貝勒岳託。征明攻墻子嶺城。同艾音布。孟格石爾達。穴其城取之。四年。叙功。授半個前程世職。順治元年。

定鼎燕京。以署梅勒章京。留爲後隊。二年。加世職爲牛录章京。七年。九年。三遇。

恩詔。加至二等阿達哈哈番。

多羅伊。蒙古鑲紅旗人。姓翁果特氏。世居巴林地方。崇德六年。大兵圍明錦州。隨固山額真馬喇希。擊敗杏山兵。又擊敗松山步兵。順治元年。隨睿王多爾袞。進山海關。擊流賊有功。授牛录章京世職。七年。九年。三遇。

恩詔。加至二等阿達哈哈番。

充吉爾蒙古鑲紅旗人。姓白蘇克氏。世居察哈爾地方。崇德六年。以擺牙喇甲喇章京隨大兵圍明錦州。我噶布什賢兵擊明松山兵。充吉爾率擺牙喇甲喇兵助擊敗之。又於北山擊敗敵兵。是年。挖壕圍松山。明軍門洪承疇兵遁出來。犯本旗汛地。充吉爾隨大兵擊却其衆。八年。從征寧遠。城內兵出犯。隨鄭親王濟爾哈朗擊敗之。順治元年。隨睿王多爾袞進山海關。擊流賊馬兵。復追至慶都縣。俱有功。二年。授牛录章京。

世職七年遇

恩詔加一拖沙喇哈番。弟多爾濟。以順治七年襲兄職。九年遇二次。

恩詔加至二等阿達哈哈番。十一年。從靖南將軍朱瑪喇征廣東。在新會縣山谷。敗僞安西王李定國兵。復追至橫州江邊。敗之。十五年。從征僞桂王。至貴州。敗僞晉王李定國於魯噶地方。十八年。叙功。加世職爲一等阿達哈哈番。康熙三年。從定西將軍圖海等征湖廣。擊茅麓山賊。敗之。於

長樂嶺賊渠李來亨之子領兵拒敵以步戰敗之賊復下山拒敵復以步戰敗之又在上王坪地方敗賊二次十三年從征逆藩吳三桂由陝西進四川隨前鋒統領穆占在朝天關蟠龍山等處擊賊有功加世職爲三等阿思哈尼哈番鄂爾錦巴圖魯蒙古鑲紅旗人世居喀喇沁地方以地爲氏崇德八年隨貝勒阿巴泰征明至山東以雲梯攻濮州奮勇先登克之凱還叙功賜巴圖魯號授牛录章京世職

羅邦蒙古鑲紅旗人姓竇里吉特氏世居喀喇沁地方順治元年以牛录章京隨睿王多爾袞進山海關擊流賊有功二年從英親王阿濟格征流賊至陝西延安府賊自城中出犯隨官兵擊敗之三年叙功授半個前程同旗有多爾濟者姓吳爾漢氏亦世居喀喇沁地方順治元年亦以隨睿王多爾袞進山海關擊流賊有功二年議叙授半個前程七年九年三遇

恩詔加至三等阿達哈哈番

色納克。蒙古鑲紅旗人。姓武朗翰氏。世居鄂津科爾沁地方。順治元年。以牛录章京隨睿王多爾袞進山海關。擊敗流賊。復追賊至慶都縣。俱有功。二年。隨英親王阿濟格征流賊。至陝西延安府。賊兵出城來犯。色納克同夸拉奪門而入。大破之。叙功授牛录章京。世職。七年。九年。三遇恩詔。加至二等阿達哈哈番。其弟拉薩希。以康熙三年。隨定西將軍圖海等。征湖廣茅麓山流賊。歿於陣。贈拖沙喇哈番。以其子花色承襲。

生格。蒙古鑲紅旗人。姓克勒特氏。世居蒿祁特地方。順治元年。四月。以牛录章京隨睿王多爾袞進山海關。擊流賊有功。十一月。隨豫親王多鐸征流賊。在潼關屢敗賊兵。三年。議叙授半個前程。世職。七年。遇

恩詔。加為拜他喇布勒哈番。

單巴。蒙古鑲紅旗人。順治二年。以牛录章京隨豫親王多鐸南征。攻揚州府。擊敗敵兵。又隨貝勒博洛征浙江。敗賊於嘉興府平湖縣。進至杭

州府海寧縣擊城中出犯敵兵敗之三年隨揚威大將軍豫親王多鐸追騰機思擊喀爾喀土謝國汗兵有功九年遇

恩詔授拖沙喇哈番是年再遇

恩詔加爲拜他喇布勒哈番十五年從征僞桂王敗僞

晉王李定國於魯噶地方十八年議叙加一拖沙喇哈番康熙十三年卒子查穆素襲職是年從征逆藩吳三桂至江西在吉安府螺子山地方擊僞將軍韓大任歿於陣二十六年加贈三

等阿達哈哈番以其弟圖什圖承襲

褚布顧爾蒙古鑲紅旗人姓都爾哈氏世居喀喇沁地方順治十五年以分得撥什庫隨梅勒章京噶褚哈征僞桂王至貴州十六年凱旋值海賊鄭成功陷鎮江瓜州直犯江寧褚布顧爾隨噶褚哈會同本地兵屢敗賊衆十七年議叙授拖沙喇哈番

鰲巴蒙古鑲紅旗人姓蘇尼特氏世居科席克特地方康熙十三年以防禦從征逆藩吳三桂

由陝西進四川。在朝天關、蟠龍山、娘娘廟、張飛廟、槐樹驛、小梅嶺、龍潭驛等處。隨前鋒統領穆占等擊賊有功。十七年議叙。授拜他喇布勒哈番。

瓦爾太。蒙古鑲紅旗人。世居巴林地方。以地爲氏。康熙十四年。以護軍校。從撫遠大將軍信郡王鄂扎。征察哈爾布爾尼有功。十五年。從撫遠大將軍圖海。征陝西叛鎮王輔臣。敗賊於平涼。尋往江西。至萍鄉縣。有流賊三千餘拒敵。率本

甲喇兵隨擊敗之。以病卒於軍。二十五年。叙功。贈拜他喇布勒哈番。以叔父之孫二格承襲。

岳孫岱。蒙古鑲紅旗人。姓代齊特氏。世居喀喇沁地方。康熙十四年。從信郡王鄂扎。征察哈爾布爾尼有功。十六年。隨征逆藩吳三桂。至江西吉安府。在老庄、江坑嶺、老虎洞等地方。率本甲喇兵効力行間。屢敗賊衆。二十五年。叙功。授拖沙喇哈番。同旗有巴勒遜者。先世居巴林地方。以地爲氏。康熙十四年。以員外郎。隨撫遠大將

軍信郡王鄂扎。征察哈爾布爾尼有功。亦授拖沙喇哈番。

鄂色。蒙古鑲紅旗人。康熙十四年。隨定南將軍希爾根。征逆藩耿精忠。至江西撫州府。破賊於千金陂。七里岡。又破於建昌之長興。及宜黃縣等處。並在事有功。十五年。隨安親王岳樂。征逆藩吳三桂。破偽將軍夏國相。於袁州府之萍鄉縣東來龍山。又有偽總兵夏玉英。在萍鄉縣四十里外東鄉高平市地方擄掠。鄂色率官兵列

陣於鷄坡澗。擊敗之。斬賊三百餘級。奪回掠去民婦八。幼穉三。女子四。給還百姓。又隨安親王往湖廣。圍長沙府城。賊出南門來犯。擊敗之。又敗賊於登古嶺。及大圍山之枯竹嶼嶺。又在興岡嶺。興坡嶺等處。屢敗賊衆。叙功。授拖沙喇哈番。

蘇玉克圖。蒙古鑲紅旗人。姓齊里克氏。世居巴林地方。康熙十四年。以佐領。隨安親王岳樂。征逆藩吳三桂。至江西。破賊於黃鶴坡。楊官塘。康

山十五年於袁州府萍鄉縣擊賊並有功尋往湖廣敗賊於長沙府瀏陽縣等處直抵雲南敗賊於雲南城下又隨都統希福等追賊帥馬寶巴養元至烏木山敗之二十五年叙功授拖沙喇哈番

殷札納蒙古鑲紅旗人姓博爾濟吉特氏祖班布固英原係蒙古察哈爾汗之嘉叟兒率戶口二百六十同德森濟旺來歸崇德元年授一等甲喇章京世職卒以子杜霸承襲杜霸殷札納

父也康熙十八年杜霸卒殷札納襲父職十九年隨征南大將軍賴塔征逆孽吳世璠由廣西進雲南二十年奪石門坎破黃草壩戰雲南城下俱在事有功二十五年議叙加一拖沙喇哈番同旗有顧英者姓巴林氏世居察哈爾地方康熙十九年以委署護軍校從征逆孽吳世璠與同旗八品官和善並由廣西進雲南二十年隨征南大將軍賴塔敗賊於石門坎黃草壩乘勝進攻雲南城敗偽將軍胡國秉等兵於雲南



城下。顧英以病卒於軍。二十五年叙功。贈拖沙喇哈番。以其弟蒙克承襲。和善亦授一拖沙喇哈番。

海色。蒙古鑲紅旗人。姓濟忒氏。以護軍校隨征雲南有功。授拖沙喇哈番。卒。子拉錫希襲。康熙三十五年。隨撫遠大將軍伯費揚古。征厄魯特。噶爾丹。由西路進兵。擊敗賊衆。加世職。爲拜他喇布勒哈番。

阿集思。蒙古鑲紅旗人。姓翁尼忒氏。世居察哈

爾地方。康熙三十五年。以員外郎。隨撫遠大將軍伯費揚古。征厄魯特。噶爾丹。由西路進兵。擊賊有功。三十六年叙功。授拖沙喇哈番。同旗有防禦巴郎者。姓胡尼特氏。世居胡遜地方。又有吳爾占者。姓濟忒氏。並以是役從征有功。俱授拖沙喇哈番。

右俱鑲紅旗蒙古世職官





